



ILIDŽA

INFORMATIVNI BILTEN
OPĆINE ILIDŽA

Ilidža • August-Septembar 2020
• Broj 192





Održana 37. sjednica Općinskog vijeća



Općinsko vijeće Ilidža 20. augusta 2020. godine u Multifunkcionalnoj sali na 37. redovnoj sjednici usvojilo je Izvještaj o izvršenju Budžeta Općine Ilidža za period 01.01.-30.06.2020. godine. Ukupno ostvareni prihodi i primici iznose 12.704.971,23 KM. Ukupno ostvareni rashodi i izdaci 13.500.181,32 KM. Razlika između ostvarenih prihoda i primitaka i rashoda i izdataka je 795.210,09, te se prenosi u budžet za naredni period. Općinsko vijeće Ilidža na 37. redovnoj sjednici utvrdilo je Nacrt Odluke o usvajanju Regulacionog plana „Gornje Vlakovo“ i Nacrt Odluke o provođenju Regulacionog plana „Gornje Vlakovo“ i isti uputilo na javnu raspravu u trajanju od 30 dana. Zbog epidemiološke situacije u Kantonu Sarajevo i rizika održavanja skupova sa većim brojem građana zadužena je Služba za prostorno uređenje da u saradnji sa Zavodom za planiranje razvoja Kantona Sarajevo organizuje i provede javni uvid i javnu raspravu elektronskim putem. Javni uvid o ovom regulacionom planu omogućit će se elektronskim putem na zvaničnoj web stranici općine Ilidža (www.opcinailidza.ba) i direktno u prostorijama Mjesne zajednice Blažuj i prostorijama općine Ilidža, a javna rasprava elektronskim putem na način da se primjedbe mogu dostaviti putem e-maila (info.desk@opcinailidza.ba), kao i pisanim putem - primjedbe predati direktno u prostorije Mjesne zajednice Blažuj ili u Centru za pružanje usluga građanima općine Ilidža. Zadužena je Služba za prostorno

uređenje da u saradnji sa Zavodom za planiranje razvoja Kantona Sarajevo podnese izvještaj o rezultatima javnih rasprava i pripremi Prijedlog Odluke o usvajanju i provođenju Regulacionog plana „Gornje Vlakovo“. Općinsko vijeće Ilidža usvojilo je prijedlog akata o rješavanju imovinsko-pravnih odnosa i to po zahtjevima Dževada Hodžića, Muniba Hodžića, Dževada Kolara i Zijada Mujanovića. Nakon što je Muhamed Omerović iz Stranke demokratske akcije (SDA) podnio ostavku na mjesto predsjedavajućeg OV, razriješen je ove dužnosti zbog njegovog izbora za direktora Studentskog centra Sarajevo, a na mjesto predsjedavajućeg izabran je Faik Hadrović iz Saveza za bolju budućnost (SBB).





Nastavak izgradnje saobraćajnice sa tramvajskim pojasom Ilidža-Hrasnica



Općina Ilidža je u ovoj budžetskoj 2020. godini planirala nastavak izgradnje saobraćajnice sa tramvajskim pojasom Ilidža-Hrasnica i to izgradnja kružnog toka u Hrasnici i nastavak prema Famosu sa dva kolovoza u dužini 130 metara i dalje preusmjeravanje u jedan kolovoz.

Za izvođača radova izabrana je firma Mevludin Commerce d.o.o. Iznos ugovorenih radova je 1.518.778,39 KM. Izvođenje javne rasvjete povjereno je Testingelektru d.o.o. u iznosu 83.686,59 KM. Početak izvođenja radova uslovljen je izmještanjem instalacija van tramvajskog i saobraćajnog pojasa.

Izmještanje gasovoda (čeličnih i plastičnih cijevi sa katodnom zaštitom) urađen je sa Sarajevogasom d.o.o. Izmještanje vodovodnih cijevi promjera 100, 200 i 400 milimetara radi KJKP Vodovod i kanalizacija.

Trenutno se izvode radovi na izmještanju instalacija Elektrodistribucije i BH Telecoma.

Na terenu se radi široki iskopi, zamjena materijala podtla, polaganje oborinske kanalizacije uz stalno preusmjeravanje saobraćaja. Očekivani završetak svih radova je za tri mjeseca.

Otvoren Centar za zdravo starenje u Hrasnici

U organizaciji Općine Ilidža 21. septembra 2020. u ulici Trg hrasničkog bataljona bb otvoren je Centar za zdravo starenje. Ovaj centar bit će dnevni centar namjenjen osobama treće životne dobi, sa ciljem da ih se aktivira i omogući zdravo, kako mentalno tako i fizičko starenje. Projekt je u cijelosti vodila Općina Ilidža, uz podršku donatora.

Presijecanjem vrpce početak rada ozvaničili su Sejdefa Bašić, direktorica Udruženja Partnerstvo za javno zdravlje i načelnik Općine Ilidža prof. dr. Senaid Memić.

Sejdefa Bašić upoznala je prisutne o radu partnerstva ističući zadovoljstvo implementacijom centa i na Ilidži.

- Ovaj projekt usrećio je mnogo starijih osoba, a polako se širi po cijeloj BiH. Države regije prepoznale su Sarajevo i mnogo smo ponosni zbog toga, dodala je Sejdefa Bašić.

- Treće životno doba je najosjetljiviji dio života. Starije osobe danas spadaju u kategoriju koja je najranjivija. Problemi sa kojima se susreće starija populacija su niska mjesečna primanja, povećani troškovi života, narušeno zdravlje. Korisnicima centra, gdje će se u budućnosti organizirati različiti tipovi edukacija, radionica, promocija te tematskih druženja želim ugodan boravak i puno lijepih trenutaka, izjavio je, između ostalog, načelnik Memić te najavio uskoro otvaranje još jednog centra u Pejtonu.

Koordinatorica projekta, predstavnica Općine, Emina Berilo Idrizović istakla je da će ovaj centar imati fokus

poboljšanja zdravlja i kvalitete života osoba treće životne dobi.

- Kažu da se humanost društva mjeri u odnosu prema starijim. Vođeni tim uvjerenjem, Općina Ilidža tokom proteklih mjeseci intenzivno je radila na projektu uspostave Centra za zdravo starenje. A svoju misiju ne bismo mogli izvršiti bez podrške načelnika prof. dr. Senaid Memića, kao i bez donatora Ečo Company, Hotel Hills i Hollywood, Beko, BK Linea, koji znaju kako je biti uz zajednicu. Kao korisnici Centra mogu se prijaviti sve osobe koje imaju 60 i više godina. Mjesečna članarina je pet KM, a osim korištenja sadržaja imat će pravo na tople napitke (kafa, čaj) i novine, rekla je Emina Berilo-Idrizović.





Počinje sanacija malog lifta u ulici Ejuba Sarajkića

Sporazum o sufinansiranju projekta sanacije malog lifta u ulici Ejuba Sarajkića broj 6-Hrasnica potpisan je 7. septembra 2020. godine u zgradi Kantona Sarajevo. Sporazum su potpisali ministar prostornog uređenja, građenja i zaštite okoliša Kantona Sarajevo Faruk Kapidžić, u ime načelnika Općine Ilidža, pomoćnik načelnika Jasmin Voloder, direktorica Kantonalnog stambenog fonda Belma Barlov i predstavnik etažnih vlasnika. Ovim sporazumom dogovorena je sanacija malog lifta u naselju Hrasnica u ulici Ejuba Sarajkića na broju 6. Lift nije u funkciji punih 25 godina, a stanari su koristili pomoćni-teretni.

Općina Ilidža je nakon što je zaprimila obavijest o navedenom problemu sa kojim se susreću stanari u hrasničkom neboderu, uz pomoć Kantonalnog ministarstva, a putem Kantonalnog stambenog fonda koja je nosilac aktivnosti oko izbora izvođača, pristupila realizaciji sanacije lifta. Na ovaj način Općina Ilidža pokazala je opredjeljenje da će uvijek učestvovati u ovakvim i sličnim projektima a čiji je cilj lakša i bolja svakodnevnica njenih građana. Ukupna vrijednost sanacije lifta iznosi 20.000 KM.

Općina dodijelila 90.000 KM za poduzetničke inicijative

Sa namjerom da se pomogne onima koji po prvi put zasnivaju radni odnos kao i mjera ublažavanja negativnih ekonomskih posljedica uzrokovanih korona virusom Općina Ilidža je izdvojila u budžetu još 20.000 KM novčanih sredstava za poticaj razvoja poduzetničke inicijative i zapošljavanja na području ove općine. Ranijom Odlukom 17 kandidata dobilo je iznos od planiranih 70.000,00 KM, koji je raspoređen svim kandidatima koji su ispunjavali uslove po Javnom pozivu, ali je bilo ispod onog iznosa koji su tražili. Izmjenama i dopunama Budžeta Općine Ilidža izdvojen je dodatni iznos od još 20.000,00. Navedeni iznos sredstava je raspoređen u skladu sa Kriterijima za izbor poslovnih planova za njih 17. Ugovori su uručeni u sali Općine Ilidža 21. septembra 2020. godine. Podsjećamo Općina Ilidža i ove godine raspisala je javni poziv za sufinansiranje najboljih poslovnih planova sredstvima iz Budžeta Općine Ilidža, namijenjenih razvoju poduzetničke inicijative i zapošljavanju mladih i žena



Za sanaciju krovova 110.000 KM

Budžetom Općine Ilidža za 2020. godinu predviđena su sredstva za sanacije krovova stambenih objekata kolektivnog stanovanja u visini od 110.000,00 KM u vlasništvu građana. U ovoj godini izvršit će se sanacija ukupno sedam jedinica kolektivnog stanovanja i to na adresama: Stari drum br. 18, Čamila Marića br. 20 i 22, Čamila Marića br. 24 i 26, Ramiza Jašara br. 5, Šehitluci br. 13, Put Famosa br. 24, kao i krov u ulici Abdulaha Kantamirija br. 4 koji je već u završnoj fazi sanacije. Sanacija objekta kolektivnog stanovanja u ulici 15. maj br. 8 i 10 će se izvršiti uz sufinansiranje Kantonalnog Ministarstva prostornog uređenja, građenja i zaštite okoliša.

Općina Ilidža će i naredne godine, u skladu sa raspoloživim finansijskim sredstvima, nastaviti sa sanacijom krovova temeljem utvrđene liste prioriteta, a kako bi se u najskorije vrijeme izvršila sanacija svih krovovnih konstrukcija na našoj općini, a koji imaju karakter nužne popravke i neposredna su prijetnja po materijalna dobra i živote ljudi. Postupak odabira najpovoljnijih izvođača je u završnoj fazi i početak radova na sanaciji se očekuje početkom narednog mjeseca, kako bi se radovi okončali u ovoj građevinskoj sezoni.

sa područja općine Ilidža. Na osnovu javnog poziva odabrani su najbolji poslovni planovi mladih. Novčana nagrada namijenjena je sufinansiranju troškova pokretanja biznisa kroz finansiranje troškova registracije biznisa, troškova sredstava za rad, zakupa poslovnih prostorija, obrtnih sredstava, i ostalih troškova. Visina nepovratnih sredstava po poslovnom planu je iznosila maksimalno do 5.000,00 KM.






U toku asfaltiranje deset ulica

Na području općine Ilidža u toku je asfaltiranje deset ulica. Za te namjene Općina je izdvojila 174.000,07 KM. U toku je rekonstrukcija ulice Reisa ef. Hadžiomerovića u dužini od 85 metara i širini pet metara. Investitor je Općina Ilidža. Izvođač radova je firma Braća Mujić d.o.o. Nadzor vrši Smajić inženjering d.o.o. Goražde. Vrijednost radova je 27.299,22 KM. Radovi su u toku i u ulici Himze Mekića do spoja sa ulicom Igmanskih bataljona u dužini 210, a širini tri metra. Radovi su povjereni firmi Braća Mujić d.o.o., a finansira ih Općina Ilidža. Nadzor radi Smajić inženjering d.o.o. Goražde, a vrijednost je 22.811,10 KM. Radnici firme Braća Mujić d.o.o. asfaltiraju, a nadzor vrši Smajić inženjering d.o.o. Goražde u ulici Vlakovo br. 116 u dužini 75, a širini tri metra. Općina Ilidža finansira radove u iznosu 9.351,40 KM. U toku je i izgradnja parking prostora u ulici Rogačići u dužini 50, a širini pet metara. Investitor je Općina Ilidža u vrijednosti 25.226,08 KM.

U toku je i rekonstrukcija ulice Mratnjevače 20-61 u dužini 140 i širini tri metra. Investitor je Općina Ilidža. Izvođač i nadzor vrši GP ING d.o.o. Vrijednost radova 13.012,16 KM. Projekti koje finansira Općina Ilidža u omjeru 70 i građani 30 posto provodi se u ulicama Plantaže 272-294, Kakrinjski put 224-242, ulice Šerifići, Gornja mahala do br. 86. te Gornja mahala do br. 54. Asfaltiranje ulice Plantaže 272-294 je u toku. Dužina koja se radi je 200 metara. Širina tri i po metra. Investitor je Općina Ilidža. Izvođač i nadzor povjereni su firmi GP ING d.o.o. Vrijednost radova je 21.889,30 KM. U toku je i asfaltiranje ulice Kakrinjski put 224-242 u dužini 198 i širini tri metra. Izvođač i nadzor GP ING d.o.o. Za ove radove Općina je izdvojila 18.918,20 KM. Radi se i asfaltiranje ulice Šerifići. Dužina 100 metara. Širina tri metra. Investitor Općina Ilidža. Izvođač i nadzor GP ING d.o.o. Vrijednost radova je 10.894,57 KM. Asfaltiranje ulice Gornja mahala do br. 86 je također u toku u dužini 100, a širini tri metra. Za ove namjene izdvojeno je 9.519,71 KM. Radovi i nadzor povjereni su firmi GP ING d.o.o. Uskoro će novi i asfalt dobiti i stanovnici ulice Gornja mahala do br. 54. Dužina koja se radi je 165, a širina tri metra. Izvođač i nadzor GP ING d.o.o. Vrijednost radova: 15.078,33 KM.



U toku rekonstrukcija Bjelašničke ulice

U naselju Sokolović-Kolonija u toku je rekonstrukcija 705 metara Bjelašničke ulice. Radovi teku planiranom dinamikom, a 31. oktobra planiran je završetak. Investitor je Općina Ilidža, a izvođač radova Braća Mujić d.o.o. Iz Budžeta za ove namjene izdvojeno je 655.200,84 KM.



Za asfaltiranje 11 ulica izdvojeno 503.922,25 KM

Na području općine Ilidža u toku je asfaltiranje četiri ulice, a završeno je sedam ulica. Za ove radove izdvojeno je 503.922,25 KM.

U toku je rekonstrukcija ulice Rahima Čatovića u dužini 170 metara. Investitor je Općina Ilidža. Izvođač radova je firma Beton fresh d.o.o., a vrijednost 175.500,00 KM. U toku je i rekonstrukcija ulice Šerifići u dužini 145 metra. Radove finansira Općina Ilidža u vrijednosti 16.586,38 KM, a povjereni su firmi Braća Mujić d.o.o. Radi se i ulica Jasen u dužini 215 metara. Radove finansira Općina Ilidža, u vrijednosti 33.234,07 KM, a izvodi firma Braća Mujić d.o.o.

Završeni su radovi asfaltiranja u ulici Gornja mahala u dužini 650 metara. Iz općinskog budžeta je izdvojeno 96.000,00 KM, a radovi su povjereni firme Braća Mujić d.o.o.

Okončani su i radovi asfaltiranja u ulici Plandište u dužini 135 metara. Investitor je Općina Ilidža. Izvođač Braća Mujić d.o.o., a vrijednost je 82.000,00 KM. Asfaltiranje ulice Stanjevac od br. 5 do br. 15 finansirala je Općina u iznosu 70, a 30 posto građani u dužini 142 metra. Izvođač radova je firma DEMUS d.o.o., a vrijednost je 17.054,11 KM. Isti princip se primjenjivao i u ulici Kakrinjski put do br. 9 u dužini 37 metara. Radovi su bili povjereni firmi DEMUS d.o.o, a iznosili su 6.308,87 KM. Investitor Općina Ilidža i građani u omjeru 70-30 posto je bilo i tokom asfaltiranja ulice Začardak do br. 65 u dužini 246 metara. Izvođač radova je firma DEMUS d.o.o., dok je vrijednost 29.832,82 KM. Završeno je i asfaltiranje ul. Doglodske barice od br. 20 do br. 16 u dužini 79 metara. Investitor Općina Ilidža i građani. Izvođač radova: DEMUS d.o.o., a vrijednost 11.910,95

Novi asfalt dobili su i stanovnici ulice Mekote do br. 178 u dužini 217 metara. Investitor: Općina Ilidža i građani u iznosu 25.925,05 KM. Radovi se izvodili radnici DEMUS d.o.o. U toku je asfaltiranje ulice Lutviye Jukovića- Luxa od br. 6 do br. 14 u dužini 79 metara.

Općina Ilidža i građani u omjeru 70-30 posto finansiraju radove u iznosu 9.570,00 KM, a radi DEMUS d.o.o.





Obilježena druga godišnjica Veterani policije 91-95

Udrženje Veterani policije 91-95. Općine Ilidža 18. septembra 2020. godine obilježili su drugu godišnjicu postojanja. Nekadašnji pripadnici policije obišli su mezarje Kovači u Hranici, a potom su se brojne delegacije okupile ispred centralnog spomen obilježja kod zgrade Općine.

Svoje poštovanje polaganjem cvijeća odale su delegacije Kantona Sarajeva, Općine Ilidža, Koordinacije boračkih udruženja, Četvrtе viteške, Veterani policije, te OO SDA Ilidža.

Komandant Četvrtе viteške brigade general Fikret Prevljak podsjetio je prisutne na značaj koji su dali pripadnici policije u oslobodilačkom ratu 1992-1995, te pozvao sve prisutne na jedinstvo. Poručio je da zasluge onih koji su dali živote za BiH ne smiju biti zaboravljene, a ni njihove porodice.



Obilježeno 28. godina Bitke za Famos

U naselju Lasica u Hrasnici 4. augusta 2020 godine obilježena je 28. godišnjica "Bitke za Famos" u kojoj je poginulo 26 pripadnika 104. motorizovane brigade Armije RBiH. Brojne delegacije i članovi porodica šehida i poginulih boraca položile su cvijeće kod spomen-ploče u Lasici i ispred spomen-obilježja u Hrasnici. Bitka za Famos je jedna od najvažnijih bitaka koje su se desile 1992. godine.

"Ova bitka je jedna od najznačajnijih bitaka koje su se odvijale te sudbonosne 1992. godine, bitka koje se moramo sjećati zbog velikog broja poginulih. Oni su naš i danas ponos, dugujemo im zahvalnost i ne smijemo zaboraviti da su dali za ovu državu najdragocijenije, život", poručio je komandant Četvrtе viteške brigade, general Fikret Prevljak.

Načelnik Općine Ilidža prof. dr. Senaid Memić podsjetio je prisutne na važnost jedinstva u doba corone, a i rada.

"Mi ne smijemo zaboraviti naše najhrabrije momke koji su dali živote, imamo dug prema njihovim porodicama. Danas kad izgrađujemo državu, zapitajte se malo šta je i do nas? Zasto su nas sada zatvorili i prepoznamo šta nam je sad prioritet, ko su prijatelji, kako za nas, tako i za državu BiH", rekao je načelnik Memić, te naglasio da je snaga u obrazovanju mladih naraštaja.

Obilježena godišnjica "Borbe za odbranu Otesa, Dogloda, Azića, Stupa i Bara"

Godišnjica "Borbe za odbranu Otesa, Dogloda, Azića, Stupa i Bara" obilježila se 14. septembra 2020. godine. U organizaciji Udruženja demobilisanih branitelja 1992-1995, Udruženja borovnika postrojbe HOS-Sarajevo, Udruženja građana pogodenih ratnom štetom 1992-1996 te Udruženje boraca Branitelji 1992-1995. Općine Ilidža, položeno je cvijeće na spomen -obilježju na Stupskom brdu, na Stupu II, Otesu te na spomen- obilježju pogibije Mehe Porobića i Ivice Stanića. Centralna manifestacija održana je ispred Mjesne zajednice Stup. Događaj je obilježen uz poštivanje epidemioloških mjera. Prisutni su se prisjetili tih teških, ali i herojskih ratnih dana kada se vodila jedna od najtežih bitaka za odbranu ovih, izuzetno strateški važnih prostora.



Potom su delegacije obišle mezarje Kovači-Hrasnica, gdje je proučen jasin na mezarju. Preživjeli učesnici bitke za Famos, kao i članovi porodica poginulih, ističu da je to bila jedna od najtežih bitaka za odbranu Bosne i Hercegovine i Sarajeva. Naglašavaju njen ključni značaj, jer je onemogućeno srpskim snagama da prodru na slobodnu hrasničku teritoriju, te krenu dalje ka Sarajevu.





Nisu zaboravljeni oni koji su branili Otes, Doglode, Aziće, Stupa i Bara

U organizacij Udruženje boraca Prve samostalne brigade Stup, Udruženje boraca Prve samostalne brigade Sarajevo, Udruženje boraca Branitelji Stupa, Udruženje boraca pokretači otpora, 14. septembra obilježena je godišnjica "Borbe za odbranu Otesa, Dogloda, Azića, Stupa i Bara". Polaganjem cvijeća na spomen-obilježja, učenjem Fatihe i minutom šutnje odali su počast saborcima koji su dali živote braneći ova naselja i BiH. U večernjim satima uz prisustvo 40 saboraca družili su uz prigodnu večeru s generalom Fikretom Prevljakom i evocirali sjećanja na herojsku odbranu Stupa.



Komisija za sigurnost OV: Izvršiti gradnja zatvorenih prihvatnih centara daleko od urbanih sredina

Posljednji veliki val migracija koji je zadesio Europu na prvi pogled nije bio ekonomske prirode, već se odnosio na prisilne migracije iz ratom zahvaćenih područja Bliskog istoka, prije svega Sirije i Iraka. Činjenica da su migranti imali vrlo jasno određene krajnje destinacije svog puta u koje se nisu ubrajale tranzitne balkanske zemlje, što svakako nije BiH. Migrantska situacija u Bosni i Hercegovini sada je može se reći i sigurnosni problem, na način da izaziva obostrane reakcije, prvo među samim migrantima, a poslije i kod građana u lokalnoj zajednici. Općina Ilidža je jedna od rijetkih lokalnih zajednica koja se nije protivila smještaju migranata na njenom području, uz određene uvjete da žive dostojno čovjeka i pod određenim kontrolama, kako ne bi postali sigurnosna prijetnja ne samo za općinu već i za glavni grad BH. Komisija za sigurnost Općinskog vijeća Ilidža je više puta razmatrala pitanja koja se tiču migranata i pravila niz sastanaka o ovoj temi. Tako je bilo i danas (3. augusta) u Općini Ilidža gdje su razmatrali probleme iz domena sigurnosti, a prisustvovali su i predstavnici MUP-a KS i lokalne Pete PU (Poliicijske uprave). Glavna tačka dnevnog reda migranata na području općine Ilidža i sigurnosna situacija na području ove općine. Složili su se svi, da je život izbjeglica i

Puna podrška Petoj policijskoj upravi i inspekciji u rješavanju migrantske krize

Zbog nedavnih dešavanja na Ilidži gdje je ubijen migrant u Općini Ilidža 2. septembra 2020. održana je sjednica Komisije za sigurnost Općinskog vijeća Ilidža. Komisija izražava zabrinutost i podržava rad Pete policijske uprave, te poziva međunarodne organizacije za migracije (IOM), kao i sve nivoe vlasti u BiH da se aktivno uključe na rješavanju migrantske krize na području ove općine Ilidža, kao i na teritoriji cijele BiH, u skladu sa međunarodnim konvencijama i zakonima. Na osnovu informacija i saznanja o izdavanju stambenih objekata migrantima na području općine Ilidža, Komisija za sigurnost poziva inspekcijske ograde Kantona Sarajevo i Općine Ilidža da izvrše inspekcijski nadzor i poduzmu aktivnosti u okviru svoje nadležnosti. Svjesni ograničenih mogućnosti Pete policijske uprave Ilidža, Komisija podržava pojačano prisustvo policijskih službenika na prostoru Terminala Ilidža, kao i na svim drugim mjestima koje nadležni označe kao mjesta okupljanja migranta na ovoj lokalnoj zajednici. Komisija za sigurnost OV Ilidža poziva nadležne da se u skladu sa međunarodnim konvencijama i zakonima BiH izgrade prihvatni centri sa regulacijom boravka, ulaska i izlaska migranta daleko od urbanih područja.

migranata koji su na proputovanju kroz BiH svakim danom sve teži. Usvojena su i tri zaključka. Komisija za sigurnost OV daje podršku i pohvaljuje rad pripadnika MUP-a koji shodno svojim kapacitetima i nadležnostima rade na suzbijanju problema migranata na području općine Ilidža. Komisija za sigurnost upućuje inicijativu za izmjenu i dopunu zakonske regulative koja će pomoći svim Agencijama za provedbu zakona na svim nivoima u BiH da se nose sa tereotom migrantske krize, te da se izvrši gradnja zatvorenih prihvatnih centara daleko od urbanih sredina uz granicu BiH. Zatraženo je da se završi proces primopredaje videonadzora između MUP KS-a i Općine i Ilidža, a sve sa ciljem se proširi kapacitet video nadzora na našoj lokalnoj zajednici koji bi obuhvatio i centar za migrante na lokalitetu Blažuju.





Nagrađeno 165 učenika za rezultate na takmičenjima

Načelnik Općine Ilidža prof. dr. Senaid Memić upriličio je prijem 25. augusta 2020. u općini za direktore osnovnih škola čiji su učenici postigli rezultate na općinskim, kantonalnim, federalnim, državnim i međunarodnim takmičenjima. Zbog epidemiološke situacije prijem je organiziran samo za direktore koji će potom svojim učenicima podijeliti novčane nagrade. Novčano je nagrađeno 165 učenika za pojedinačna i ekipna takmičenja. Uručeno je i 75 novčanih nagrada, i to za osvojeno prvo mjesto za 32 učenika, za drugo 20 i treće, za 21 učenika. Za ove nagrade iz budžeta Općina Ilidža izdvojeno je 10.000 KM.

Uz čestitke na dosadašnjim rezultatima, u svom obraćanju načelnik Memić učenicima je poželio puno uspjeha u daljem školovanju kao i budućim takmičenjima.

“S obzirom na epidemiološku situaciju žao mi je što učenici danas nisu sa mnom jer je to jedna od mojih najdražih obaveza. Poručite im da i da dalje uče i da se bore ali za znanje i svoj položaj u društvu, jer samo obrazovanjem mogu se nametati” izjavio je, između ostalog, Memić.



Prvačicima podijeljeno 700 ruksaka

Nastava u novoj 2020/ 2021. školskoj godini u osnovnim i srednjim školama na području općine Ilidža počela je 1. septembra 2020. Prvi školski dani su veoma važni za djecu i njihove roditelje, a i za učiteljice i učitelje. Posebno će biti zahtjevno ove godine zbog pandemije koronavirusa s kojom se bori naša i sve zemlje svijeta. U svim osnovnim školama održan je prijem prvačica po odjeljenjima u salama ili dvorištu ili holu škole, uz poštivanje donesenih epidemioloških mjera.

I ove godine kao i proteklih godina Općina Ilidža obezbijedila je ruksake za prvačice ilidžanskih osnovnih škola. U 13 osnovnih škola na području općine Ilidža u prvi razred upisano je oko 700 prvačica. Općina Ilidža darovala je ruksake sa školskim priborom svim budućim đacima. Za nabavku ruksaka Općina je izdvojila 40.000 KM.

U povodu početka nove školske godine načelnik prof. dr. Senaid Memić prvacima poželio je puno uspjeha i sreće u školovanju. Nastava za učenike razredne nastave će se izvoditi u grupama od maksimalno 15 učenika uz trajanje časa od 30 minuta, sa odmorima od pet minuta i bez velikog odmora.

Nastava će se održavati prema planu odnosno rasporedu koji utvrđuje škola. U odjeljenjima u kojima nije moguće ispoštovati maksimalno dozvoljeni broj učenika, škola će napraviti raspored.



Načelnik Memić dao podršku inicijativi za izgradnju arheološko historijskog parka

Bošnjačka zajednica “Preporod” uputila je pismo načelniku Općine Ilidža prof. dr. Senaidu Memiću o namjeri izgradnje arheološko historijskog parka oko ušća Tilave u rijeku Željeznicu, te za te namjene zatražila dodjelu zemljišta koje je u vlasništvu Općine i PD Butmir. Načelnik Općine Ilidža odgovorio je na pismo:

-Kantonalni zavod za zaštitu kulturno-historijskog i prirodnog naslijeđa Sarajevo već pet godina ne dozvoljava nikakav razgovor niti prihvata istraživanje o arheološkim nalazištima na području Butmira. Bošnjačka zajednica kul-

ture “Preporod” iskazala je namjeru da na prostoru općine Ilidža izgradi savremeni arheološko-historijski muzej s tematskim parkom i drugim pratećim kulturnim, obrazovnim i turističkim sadržajima. Zbog toga zajedno s “Preporodom” kao liderom dajem punu podršku izgradnji muzeja s djelovima prahistorijskog (ilirsko, rimsko, tursko, austro-ugarsko, komunističko, period oslobođenja tih filozofija).

Općina Ilidža na čijem sam čelu podržava izgradnju i dodjelu zemljišta za ovu namjenu, koje se nalazi oko ušća rijeke Tilave i Željeznice i smatram da ovaj prostor može postati najbolja turistička destinacija i obrazovna ustanova na području BiH, po ugledu na najznačajnije arheološko-historijske muzeja u svijetu. Predlažem da se pokrene novčana akcija od najmanjih firmi do Akademije nauke da ostvarimo ovu ideju i pokažemo svijetu svoje korijene i historiju. Nije Ilidža centar nekulture, već mjesto koje ima svoju historiju, kulturu a i budućnost, poručio je načelnik Memić.



Prijem za hafiza Nedima Botića

Načelnik Općine Ilidža prof. dr. Senaid Memić 27. augusta primio je hafiza Nedima Botića. Hafiz Botić je u dobi od 13 godina obolio od rijetke autoimune bolesti crijeva Morbus Chron (Chronova bolest) i borba sa njom je uveliko obilježila njegov život. U svrhu liječenja od iste je hospitalizovan više puta i prošao kroz izuzetno težak proces oporavka. Godine 2016. je postao i prvi hafiz Kur'ana iz Bosanske Dubice nakon više od stotinu godina.

Svoja iskustva o bolesti i životu sa iskušenjima je pretočio u knjigu zvanu "Otvori vrata sreći". Ona je objavljena u februaru 2019. godine.

Početkom septembra ove godine iz štampe izlazi i druga autorska knjiga zvana "Život ispočetka", simboličnog naziva, jer je život za njega počeo ispočetka.

Općina Ilidža vrlo rado podržava projekte od kulturnog značaja, te je podržala i rad hafiza Botića otkupom dijela tiraža knjiga "Otvori vrata sreći" i "Život ispočetka" koje će građanima i mladima biti besplatno podijeljene. Želja mu je da ljudima, čitajući knjigu pruži ohrabrenje u teškim momentima, kroz koje svi nekad prolazimo.

Delegacija Udruženja Bošnjaka porijeklom iz Sandžaka u posjeti Općini Ilidža

Veze između naroda Sandžaka i Općine Ilidža su tradicionalno snažne i odolijevaju vremenu već decenijama. Tradicija, kultura, vjera, jezik i bogata historija obavezuju ih da i u narodnom periodu jačaju veze. To je zaključeno tokom posjete delegacije Udruženja Bošnjaka porijeklom iz Sandžaka 30. septembra 2020. Općini Ilidža. Predsjednik Udruženja građana porijeklom iz Sandžaka, Ekrem Lekić, upoznao je načelnika Općine Ilidža prof. dr. Senaida Memića o radu udruženja, aktivnostima koje provodi kao i trenutnom položaju u kojem se nalazi Udruženje. S obzirom da je u doba pandemije corona virusa Općina Ilidža pomagala narodu u Sandžaku, predstavnici Udruženja su zahvalili na razumijevanju i senzibilitetu koji je pokazala ova lokalna zajednica.

U doba pandemije vjenčano 380 parova

Parovi koji su prkosili situaciji, svejedno krenuli su s planovima za vjenčanje i svoj dan iz snova prilagodili pandemiji korona virusa. Iako su socijalni kontakti na otvorenom ili zatvorenom zabranjeni, zaljubljeni koji su željeli reći sudbonono DA nisu ni pomišljali da otkazu svoje vjenčanje. Matičari Općine Ilidža imali su pune ruke posla. Od februara pa do kraja septembra 2020. vjenčano je 380 parova



Svi potrebni obrasci za obavljanje vjenčanja u Općini Ilidža su besplatni i dostupni kako na web stranici tako i na Info-pultu Općine. Vjenčanja su besplatna srijedom i subotom u službenim prostorijama općine. Sam čin sklapanja braka se također može obaviti i van službenih prostorija Općine. Kada se sklapanje braka odobri izvan službene općinske prostorije, na mjestima kao što su hoteli, restorani, budući bračni partneri su dužni platiti novčanu naknadu, u iznosu od 400,00 KM.

Sklapanje braka u ovakvim slučajevima vrši se svakog dana u vremenu od 10,00-18,00 sati. Vlasnici ugostiteljskih objekata dužni su obezbijediti prikladnu prostoriju sa odgovarajućim uslovima za obavljanje svečanog čina sklapanje braka. Budući bračni partneri koji žele da brak sklope u dane koji posebnim aktom Općinskog načelnika nisu utvrđeni kao dani u kojima se vrši sklapanje brakova u službenoj općinskoj prostoriji, tj. srijedom i subotom, mogu to zahtijevati isključivo u radne dane u vremenu od 10.00 do 18.00 sati uz plaćanje naknade u iznosu od 100 KM.

Na ovom sastanku je istaknut i značaj koji su ljudi porijeklom iz Sandžaka dali za odbranu države BiH. General Fikret Prevljak, koji je bio komandant Četvrtke viteške brigade i koji je prisustvovao sastanku, zahvalio je ljudima porijeklom iz Sandžaka koji su se borili u redovima Četvrtke viteške brigade. On je naglasio neupitnu podršku porodica ovih ljudi, a posebno djeci šehida.

Općina Ilidža i dalje će nastaviti pomagati u realizaciji projekata ovog udruženja a naročito iz oblasti obrazovanja i njegovanja kulturne baštine.





Deveti turnir u odbojci za žene “Ilidža Volleyball Cup 2020”

U dvorani “Sabit Hadžić” na Ilidži 26. septembra 2020. godine održan je tradicionalni Deveti turnir u odbojci za žene “Ilidža Volleyball Cup 2020”. Ovu tradicionalnu sportsku manifestaciju organizuje ŽOK “Igman” u partnerstvu sa Općinom Ilidža. Ove godine turnir je održan bez prisustva publike zbog aktuelne situacije sa Covid-19 a nastupile su četiri premijerligaške ekipe iz cijele BiH: SOK Mostar, UOK Banjaluka Volley, ŽOK Goražde i ŽOK Igman.

I ovoga puta vidjeli smo vrhunsku odbojku djevojaka iz elitnog takmičenja u BiH a pobjednik ovogodišnjeg turnira je UOK Banjaluka Volley koji je imao dodatni kvalitet u odnosu na ostale ekipe učesnice jer je u svojim redovima imao četiri reprezentativke BiH.

U ime Općine Ilidža pehare najboljim ekipama uručio je Nermin Bašović a pojedinačne nagrade za najbolje igralice turnira uručio je sportski direktor ŽOK Igmana Admir Smilagić.

- Riječi pohvala na račun organizacije i kvaliteta turnira te gostoprimstva na koje su naišli, stigle su na Ilidžu od klubova učesnika i službenih lica. Može se reći da je posljednjih godina prestiž učestvovati na “Ilidža Volleyball Cupu” i



da se klubovi rado odazovu na poziv organizatora. Sledeće godine će biti jubilarni 10. turnir IVC i u ŽOK Igman planiraju da za tu priliku bude organizovan najjači turnir u BiH i regiji. Uprava ŽOK Igman zahvaljuje se Općini Ilidža koja pomaže ovaj perspektivni odbojkaški klub u svim njihovim aktivnostima, rekao nam je Dino Hadžić iz ŽOK “Igman”.

Ilidžanske odbojkašice su 19. septembra učestvovala su na turniru “Trofej grada Banja Luke” gdje su zauzele drugo mjesto.

Basket cup Ilidža 2020

Košarkaški klub “IMPULS” 19. i 20. septembra 2020. godine je uspješno organizovao Osmi turnir u košarci za mlađe kategorije “Basket cup Ilidža 2020”.

Na turniru je učestvovalo 16 ekipa iz Bosne i Hercegovine, odnosno 200 košarkaša.

U periodu od dva dana odigralo se 32 utakmice u četiri uzrasne kategorije: minibasket, pioniri, kadeti i juniori. Utakmice su se igrale u salama KSC Ilidža i Hotela Hollywood. U svim selekcijama su za najbolje plasirane ekipe uručene nagrade pehari, medalje i statue za najperspektivnije igrače.



Kengur kup

Selekcije Košarkaškog kluba Ilidža 12 i 13. septembra nastupile su na 22. Međunarodnom košarkaškom turniru za mlade „KENGUR KUP“ u Areni „Husejin Smajlović“ u Zenici.

Zbog pandemije korona virusa, ovogodišnji turnir okupio je samo ekipe i klubove iz Bosne i Hercegovine. Ipak, turnir je bio veliki uspjeh jer su mladi košarkaši iz zemlje dobili priliku takmičiti se i družiti što im je, s obzirom na trenutnu situaciju već mjesecima onemogućeno. Kao rezultat odigranih utakmica kadeti KK Ilidža osvojili su treće mjesto, a selekcija Minibasketa drugo.

Najuspješniji pojedinci, igrači, treneri i klubovi nagrađeni su prigodnim poklonima sponzora turnira, medaljama, diplomama i trofejima. Jedan od nagrađenih igrača je i Harun Hodžić koji je proglašen za najboljeg strijelca u kategoriji Minibasket.





Promovisan zbornik "Kapi rose"

U Domu kulture u Hrasnici 24. septembra 2020. godine održana je nekomercijalna promocija zbornika poezije i proze mladih autora „Kapi rose“ i pjesničko večer, čiji je izdavač i priređivač Naučno-umjetničko udruženje „Kritika“. Konkurs za uvrštavanje u zbirku „Kapi rose“ bio je otvoren od 15. 7. do 15. 8. 2020. godine, a nakon što su pristigli radovi prošli sud stručne komisije, njih 50 ukoričeno je u ovaj zbornik. Rukopisi su to afirmisanih, djelomično afirmisanih i autora koji tek teže da se upuste u stvaralaštvo, žive i kreiraju kulturni prezent bosanskohercegovačkog društva. O ovoj zbirci su na promociji govorili promotori i recenzenti mr. Sifet Fazlić, književnik Faris Šaćić i književnica Dika Mujkić-Bajrić. Autori zastupljeni u zborniku su: Amila Gadžo, Dženita Čizmo, Armin Šetić, Nihad Bandić, Ajdin Mahmutović, Lejla Korać, Ilma Trako, Safet Kahvić, Merisa Bijelonja, Enis Pehić, Faris Šaćić, Amina Odošević i Nudžejma Dizdarević. Mladi i ambiciozni umjetnici okupili su se ovom prilikom u nadi da utisnu svoj pečat u vremenu u kojem žive i naglase važnost aktivnosti mladih ljudi u književnim tokovima bosanskohercegovačke književne scene.



Cijeli projekat finansijski je podržala Općina Ilidža, koja je i ovom prilikom pokazala kako podržava kulturu i umjetnost mladih na Ilidži.

Primjerci zbornika neće biti dostupni u slobodnoj prodaji već poklonjeni gradskim i školskim bibliotekama na području općine Ilidža.

Podcast Zmajevno lice

Podcast Zmajevno lice je platforma koja je prvobitno bila osmišljena kao projekat pod nazivom Ilidžanski časopis „ZMAJ“ namijenjen prvenstveno Ilidžancima, da djeci i mladima pruži priliku da kroz sadržaj i aktivnosti projekta izraze svoj talenat u novinarstvu, a potom da informiše javnost o ljepotama Ilidže, mladim, uspješnim i talentovanim ljudima koji vrijedno rade i osvajaju značajne rezultate na različitim poljima.

-S obzirom da je pomenuti projekat bio veoma prihvaćen, odlučili smo da isti proširimo i dosadašnji printani oblik i formu, ponudimo u digitalnoj formi i multimedijalno pretočimo u video podcast platformu pod novim nazivom „Zmajevno lice“, koji će približiti publici lica i istinske vrijednosti u društvu, lica zmajeva u poslu koji rade i životu koji žive, kazao nam je Džemal Hurić, idejni tvorac projekta i predsjednik Udruženja „Bašlija“.

Putem ovog medija ponudit će medijski prostor i brojnim drugim srodnim udruženjima, klubovima i organizacijama da predstavljaju svoj rad i da zajedničkim snagama pokušaju prevazići sve posljedice koje je Covid 19 donio sa sobom. Covid 19, nažalost, osim ljudskih života, nanio je nesagledive posljedice i u obrazovanju, sportu, kulturi, kulturno-umjetničkim društvima, koja će osim finansijske krize, dodatno osjetiti posljedice u članstvu, masovnosti, jer je izgubljen kontinuitet održavanja proba, treninga, putovanja koji su vrijedni čuvari tradicije. Pored čuvara tradicije, gosti u „Zmajevom licu“ bit će brojni kulturni, sportski i javni djelatnici, poduzetnici, i osobe iz naroda, ne samo sa Ilidže, već i mnogo šire. Podcast Zmajevno lice prikazivat će se putem YouTube kanala Bašlija, za početak u dva termina: ponedjeljak u 20 i u četvrtak u 20 sati. Projekat je podržala Općina Ilidža.



Podijeljeno 300 maski

Aktivisti Ekološkog udruženja „Aleja“ 19 septembra podijelili su građanima općine Ilidža 300 medicinskih maski. Pored podjele maski, na pultu je vršena i dezinfekcija ruku.

Projekat je finansiran iz sredstava, koje je Općina Ilidža dodijelila Ekološkom udruženju Aleja za tekuće aktivnosti u 2020 godini.



Obavještenje za korisnike dječijeg dodatka

Obavještavaju se svi korisnici prava na dodatak na djecu da su dužni u periodu od 01. septembra do 31. oktobra 2020. godine dostaviti dokaze o ispunjavanju uvjeta za produženje prava na dodatak na djecu.

Obrasci za ostvarivanje navedenog prava mogu se preuzeti u Centru za pružanje usluga građanima općine ilidža (šalter sala-šalter broj 5), kao i u prostorijama mjesnih zajednica Općine ilidža.



Odred izviđača Igman 92 na Igmanu, Treskavici i Prenju

Nakon duže pauze uzrokovane pandemijom, Odred izviđača Igman 92 Ilidža je održao je niz aktivnosti. Iz dvije etape realizovana je ekološka akcija „Sačuvajmo Igman“. U prvoj je odrađeno čišćenje izletišta i postavljanje tabli koje imaju za cilj povećati svijest o zaštiti okoline, dok je u drugoj etapi u saradnji sa PD „Famos“ uređen prilaz i pristup pećini Megara, pravom dragulju ovih prostora. Nakon Igmana, izviđači svoju avanturu nastavljaju bivacima na Treskavici, a potom na Prenju po dva dana gdje je učešće uzelo 20 članova. Osim ovih aktivnosti vrijedno je istaći da je obilježena “Noć Perzeida” sa noćnim usponom na Igman i promatranjem meteorske kiše iznad Ilidže, a volontirali su i na dionici “Two Cities Marathon” koja je prolazila kroz Hrasnicu.